

Milostivost je osobina vjernika

<"xml encoding="UTF-8?">

Oprostite greške svom suprugu

Svako, osim onih koje je Allah odredio kao "Nepogrešive" pravi greške. Kada dvoje ljudi, koji se vole i sarađuju jedno s drugim, prave greške, oni mogu opraštati. Ako ne praštaju jedno drugom, tada će njihov brak doći do kraja. Dva poslovna partnera, dva susjeda, dvoje kolega, dva prijatelja, a naročito suprug i supruga moraju biti u stanju da opraštaju jedno drugom. Ako članovi porodice ne opraštaju i traže jedni drugima greške, tada će se porodica ili razdvojiti ili će oni živjeti ne-podnošljiv život. Draga hanuma! Vaš muž vjerovatno pravi greške. On vas možda, uvrijedi, izgrdi, slaže, čak i udari. Ovakva djela može počinuti bilo koji muškarac. Ako vaš muž, nakon što pogriješi, zažali zbog toga ili vi osjetite da se pokajao zbog svog lošeg ponašanja, tada mu oprostite i ne tjerajte mak na konac. Ako se kaje, ali nije spreman da se izvini, tada se ne trudite da dokažete njegovu grešku. U drugom slučaju, mogao bi se osjetiti poniženim i može da se osveti čeprkanjem po vašim greškama i stoga otpočeti ozbiljno svađu. Zato je bolje za vas da ostanete mirni dok mu savjest ne proradi dok ne osjeti grižnju savjesti zbog toga. On će vas tada smatrati mudrom i odanom ženom koja se zanima za svog muža i porodicu.

Allahov Poslanik s.a.v.a. je ustvrdio. *"Loša žena ne oprašta greške svome mužu i ne prihvća njegovo izvinjenje."* Zar nije žalosno da sveti bračni savez mora biti raskinut zato što žena nije spremna da oprostí greške svome mužu

Družite se s muževim rođacima

Jedan od problema porodičnog života je onaj prouzrokovan između žene i muževih rođaka. Neke žene nemaju dobar odnos sa supruginom majkom, sestrama ili braćom. S jedne strane, žena može pokušati da dominira nad suprugom, kako on ne bi poklanjao pažnju čak ni svojoj majci, ili bilo kojem drugom rođaku, a ona može pokušati da napravi razdor među njima. S druge strane, njena svekrva smatra sebe vlas-nikom svog sina i snahe. Majka se jako trudi da zadrži svog sina i pazi da joj nova žena ne pokuša da ga potpuno prisvoji. Ona može da izmisli laži o svojoj snahi ili joj pronađe mahanu. Ovakvo ponašanje može biti praćeno mnogim

raspravama i čak povremenim neprijateljstvima. Si-tuacija se čak pogoršava ako svi žive u istoj kući. Čak i ako svađa može izbiti između dvije žene, prava patnja i ogorčenje ostaje s čovjekom u sredini. Muž je uvučen u prepirku u kojoj ne može odabrati stranu. S jedne strane je njegova supruga koja bi željela da ima samostalan život bez ikakvih uplitanja ljudi sa strane. Ali s druge strane, on misli na svoje roditelje koji su mu pomogli u životu i obrazovanju, potrošili vlastiti život da ga podignu na noge. On osjeća da njegovi roditelji očekuju od njega da im pomogne u momentu kada je to potrebno i da ne bi bilo pošteno da ih se odrekne. Osim toga, ako bi on sam trebao nešto, ko bi drugi, osim njegovih roditelja pomogao njemu i njegovoj porodici? Kao rezultat, on shvata da su njegovi najbolji i najvjerniji prijatelji njegovi roditelji i rodbina. Prema tome, dilema za razboritog muškarca je ili da izabere ženu, a napusti roditelje ili obratno, ali ni jedno od ovoga dvoga nije moguće. Zbog toga, on mora da se izbori sa objema stranama i zadovolji, što je, samo po sebi, veoma težak zadatak. Jedini mogući način da se olakša situacija je da žena bude odana i mudra. Muškarac, u ovakvoj situaciji očekuje od žene da pomogne u rješavanju problema. Ako žena poštuje svoju svekrvu, traži savjet od nje i postane poslušna i prijatna prema njoj, onda će svekrva biti njen najveći oslonac. Nije li tužno da neko ko može privući mnogo ljudi svojom ljubaznošću i lijepim ponašanjem, treba da ih odbije svojom tvrdoglavošću i sebičnošću? Zar ne shvatate da u naporima i poslovima života, možete zatrebati pomoć drugih, a posebno rodbine koja bi vas podržala kada vas svi drugi napuste? Nije li bolje da održavate dobre odnose s rodbinom pomoću pažnje i lijepog ponašanja? Da li je stvarno mudro i ispravno da postanete prijatelji sa strancima, dok napuštate svoju sopstvenu rodbinu?

Iskustvo je pokazalo da, kada nam zatreba pomoć drugih, prijatelji dolaze, a zanemareni rođaci dolaze da pomognu. To je zato što su Porodične veze prirodne i ne mogu se lahko raskinuti. Postoji univerzalna izreka koja kaže: "Čak i ako mu rodbina jede meso, neće mu razbacati kosti." Hazreti Alija r.a. je rekao: *"Čovjek nikad neće biti u stanju da uspije bez svojih rođaka, makar posjedovao bogatstvo i djecu."*

Čovjeku je potrebno uvažavanje i ljubaznost njegovih rođaka. Oni su ti koji bi mu pomogli fizički i mentalno. Rođaci uvijek dolaze u pomoć. Oni bi mogli, kad je to potrebno, brže od ostalih priteći u pomoć. Ko god napusti svoje rođake, izgubit će mnoge pomagače. Draga hariusma! Radi svog supruga i radi svoje sopstvene udobnosti, kao i da biste našli sebi dobre prijatelje i pomagače, slažite se sa supru-govom rodbinom. Ne budite sebični i neznalica, budite mudri i ne uzrokuje svom mužu bilo kakve nevolje. Budite dobra i odana suprug; da bi vas prihvatili i .Allah i ljudi

